

**ZAPISNIK  
SA 27 PROŠIRENE ON LINE SJEDNICE UPRAVNOG ODBORA  
UDRUŽENJA POSLODAVACA FBiH**

**održane dana 15.10.2021. godine (petak), sa početkom u 10:30 sati, putem ZOOM aplikacije**

**Sjednici su prisustvovali članovi Upravnog odbora UPFBiH:** Adnan Smailbegović, Šejla Bojadžija Nijaz Skenderagić, Safudin Čengiđ, Ante Suton, Snježana Kopruner, Suad Eđo, Admir Suljević (Velika Vujinović) i Želimir Čamber.

**Sjednici su po ovlaštenju članova Upravnog odbora UPFBiH prisustvovali:** Alija Čolaković, (po ovlaštenju Nurdina Peštalića), Adnan Sirovica (po ovlaštenju Adise Sejdić), Nihad Begić (po ovlaštenju Stjepana Kumrića), Elvedina Zrnić Hrković (po ovlaštenju Krasnodara Petrovića), Josip Milas (po ovlaštenju Ivana Ljubić) i Zoran Gazibarić ( po ovlaštenju Kemala Čolaka).

**Sjednici nisu prisustvovali članovi Upravnog odbora UPFBiH:** Rusmir Hrvić, Jadranka Penava, Ramiz Grapkić, Vilim Primorac i Eldin Hadžiselimović.

**Sjednici su pored članova UO** članovi ESV-a Edin Ibrahimpašić i Zoran Gazibarić, te predsjednici Grupacija i članovi UO KS.

**Ispred UP FBiH:** Mladen Pandurević i Mersiha Jusić.

Sjednicu je otvorio predsjednik Adnan Smailbegović i predložio slijedeći:

**DNEVNI RED**

1. Usvajanje Zapisnika sa 26. proširene sjednice Upravnog odbora UP FBiH
2. Razmatranje materijala za sjednicu ESV-a:
  - a) Minimalna plaća,
  - b) Cijena električne energije,
  - c) Inicijativa za donošenje Pravilnika o izmjeni pravilnika o primjeni zakona o porezu na dobit,
  - d) Oporezivanje dohotka od prodaje udjela prema trenutno važećem Zakonu o porezu na dohodak,
  - e) Pravilnik o dinamici zamjene fiskalnih sistema u Federaciji Bosne i Hercegovine,
  - f) Pravilnik o primjeni zakona o porezu na dohodak (Evidencija o korištenju službenog vozila),
  - g) Primjena člana 32. Zakona o računovodstvu i reviziji u FBiH,
  - h) Kriteriji za dodjelu subvencija privredi;

3. Izvještaj o potpisanim kolektivnim ugovorima za područja djelatnosti;
4. Razno.

Dnevni red je usvojen jednoglasno.

#### **RASPRAVLJANJE PO TAČKAMA DNEVNOG REDA:**

##### **Tačka 1. Usvajanje zapisnika sa 26 proširene sjednice UO UP FBiH**

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

**A.D.1.1: Zapisnik sa 26. Proširene on line sjednice UO UP FBiH je jednoglasno usvojen.**

##### **Tačka 2. Razmatranje materijala za sjednicu ESV-a:**

- a) Minimalna plaća,
- b) Cijena električne energije,
- c) Inicijativa za donošenje Pravilnika o izmjeni pravilnika o primjeni zakona o porezu na dobit,
- d) Oporezivanje dohotka od prodaje udjela prema trenutno važećem Zakonu o porezu na dohodak,
- e) Pravilnik o dinamici zamjene fiskalnih sistema u Federaciji Bosne i Hercegovine,
- f) Pravilnik o primjeni zakona o porezu na dohodak (Evidencija o korištenju službenog vozila),
- g) Primjena člana 32. Zakona o računovodstvu i reviziji u FBiH,
- h) Kriteriji za dodjelu subvencija privredi;

Vezano za ove tačke dnevnog reda direktor Mladen Pandurević je upoznao prisustne sa svim tačkama.

Direktor UPFBiH Mladen Pandurević je naglasio da se u javnosti pojavljuju različite visine minimalne plaće koje zagovaraju određene političke stranke, ali da nerealno visoke minimalne plaće, ukoliko se usvoje, mogu biti rizične i opasne. Napomenuo je da je Udruženje već potpisalo četiri kolektivna ugovora, i to za djelatnost metala, trgovine, građevinarstva i prepade papire i drveta, kojima se značajno povećavaju minimalne satnice odnosno plaće. Naglasio je da će se kolektivni ugovor za djelatnost saobraćaja uskoro potpisati, a da su u toku pregovori za potpisivanje kolektivnih ugovora za djelatnost tekstila, kože, gume i obuće te hemije i nemetala. Naglasio je da je UPFBiH uspjelo da progurati svoje prijedloge, te da je materijal Zavoda za planiranje prihvatljiv za UPFBiH te da na tome treba insistirati.

Vezano za najavljeno poskupljenje električne energije predsjednik UPFBiH Adnan Smailbegović informisao je članice o aktivnostima koje je poduzelo UPFBiH. Kazao je da je UPFBiH održalo tri sastanka na kojem su prisustvovali predstavnici JP Elektroprivrede BiH, ministar energije, rudarstva i industrije Nermin Džindić i premijer Vlade FBiH Fadil Novalić na kojima je zaključeno da će do povećanje cijene električne energije doći jer berza i tržište uslovljavaju cijene, ali da će održati tematska sjednica Vlade FBiH na kojoj će obje elektroprivrede dostaviti svoje analize i na kojoj će se predložiti mjere kako pomoći privredi i eventualno promijeniti određene zakone.

Vezano za tačke od c) do g) a koje se odnose na akte Ministarstva finansija, odnosno o inicijativi za donošenje Pravilnika o izmjeni pravilnika o primjeni zakona o porezu na dobit, oporezivanju dohotka od prodaje udjela prema trenutno važećem Zakonu o porezu na dohodak, Pravilniku o dinamici zamjene fiskalnih sistema u FBiH, Pravilniku o primjeni zakona o porezu na dohodak (Evidencija o korištenju službenog vozila), te o primjena člana 32. Zakona o računovodstvu i reviziji u FBiH irektor Pandurević je naglasio da je Udruženje pripremlilo prijedloge za poboljšanje ovih akata kojima bi se olakšalo privredi te da će se na usvajanju istih insistirati na ESV-u.

Također su raspravljali i o kriterijima za dodjelu subvencija privredi. Naglašeno je da nisu usvojeni kriteriji koje je predložilo Udruženje te je zaključeno da će se tražiti korigovanje u skladu sa zahtjevima UPFBiH.

Nakon veoma otvorene diskusije u kojoj su učestvovali svi prisutni doneseni su sljedeći zaključci:

**A.D. 2 a). Delegacija ESV-a će insistirati od Vlade da se ispoštuje zakonska procedura člana 78. Zakona o radu te da se donese Metodologija uz napomenu da se minimalna plaća nikako ne može vezati za prosječnu plaću. Također kod Vlade treba insistirati i dogovoriti da minimalna plata ne može biti veća od plata koje su dogovorene kroz kolektivne ugovore. Metodologija za utvrđivanje minimalne plaće Federalnog zavoda za programiranje razvoja dosta kvalitetan te je zaključeno da će se na ESV-u insistirati na donošenju ove metodologije, da se minimalna plaća ne smije vezati za prosječnu, kao i da ne bi trebala biti viša od već dogovorene u kolektivnim ugovorima.**

**A.D. 2.b) Informacija o poduzetim aktivnostima od strane UPFBiH vezano za najavljeno povećanje električne energije je primljena ka znanju. Na tematskoj sjednici Vlade će se raspravljati o poskupljenju el. energije na kojoj će biti donesena konačna odluka.**

**A.D. 2. c) -g) Upravni odbor je podržao inicijativu i predložene materijale te dao saglasnost delegaciji ESV-a da zastupaju predložene inicijative i zahtjevaju izmjenu predloženih akata. Delegacija ESV-a treba n asjednici jasno da iznese da se ne slaže sa novim donesenim aktima te da je pod hitno potrebno promijeniti akte kako je predloženo. Također, potrebo je zahtjevati da se prije donošenja zakonskih i podzakonskih akata a koji se odnose na poslodavce mora obezbjediti saglasnost ESV-a. Delegacija će zahtjevati povlačenje Pravilnika o dinamici zamjene fiskalnih sistema u Federaciji Bosne i Hercegovine te insistirati od Vlade da obezbijedi softversku fiskalizaciju. UO daje saglasnost da se angažuju eksperti koji će nam pomoći da stručno elaboriramo zahtjev za softversku fiskalizaciju.**

**A.D. 2. h) Delegacija UPFBiH će tražiti da Vlada koriguje kriterije u skladu sa zahtjevima UPFBiH;**

**Tačka 3. Izvještaj o potpisanim kolektivnim ugovorima za područja djelatnosti;**

Gdin. Pandurević je objasnio prisutnima da je već u okviru druge tačke informisao o potpisanim Kolektivnim ugovorima.

Nakon diskusije donesen je zaključak:

**A.D. 3.1. Upravni odbor je primio k znanju informaciju da su do sada potpisani Kolektivni ugovori za djelatnost metalne industrije, djelatnost prerade drveta i papira, djelatnost građevinarstva, te za djelatnost trgovine. Sljedeće sedmice se očekuje potpisivanje KU za djelatnost prometa, a u toku su pregovori za djelatnost tekstilne industrije i industrije kože, gume i obuće i djelatnost hemije i nemetala.**

**Tačka 4. Tekuća pitanja;**

**Pod tekućim pitanjima raspravljalo se o:**

- Nedostatku radne snage

Svi članovi UO su se složili da je problem sa nedostatkom radne snage te da je potrebno raditi na liberalizaciji propisa kojim će se pojednostaviti postupak zapošljavanja stranaca.

Sjednica je završena u 12:30 sati.

Zapisnik sačinila:  
Mersiha Jusić, sekretar

PREDSJEDNIK UPRAVNOG ODBORA  
Adnan Smailbegović, s.r.